

Lansamentu Aprosimsaun One-Health hodi kontrola Brucelose iha Timor-Leste

20 Juñu 2023

Projetu foun ida atu rezolve brucelose - moras ida ne'ebé bele hadaet entre animál no ema - ofisialmente lansa ona iha Timor-Leste ohin lora.

Projetu 'Brucellosis Reduction Using Codesign Elements in Timor-Leste (BRUCE TL)' mak kolaborasaun ida entre Menzies School of Health Research (Mezies), Ministeriu Agrikultura Timor-Leste no Peskas, Institutu Nasional Saude Publika Timor-Leste - Ministeriu Saude, Laboratoriu Saude Publika no Laboratoriu Diagnostiku Veterinariu.

Hahú iha Munisipiu Bobonaro, projetu ida ne'e sei servisu atu hametin kapasidade Governu no comunidade lokál sira nian atu responde ba brucelose karau ne'ebé iha impaktu ba saúde humana, saúde animál nian, kondisaun moris no seguransa ai-han nian.

Ida ne'e sei uza abordajen One Health, ne'ebé rekoñese ligasaun no ekilibriu ne'ebé prezisa entre ema nia saúde, animal no Ambiente atu alkansa solusaun ida.

Karau iha valór ekonómiku, sosiál no kulturál ne'ebé aas ba agrikultór ki'ik sira iha Timor-Leste. Maske nune'e brucelose fó impaktu maka'as ba ida ne'e, bainhira hetan infesaun husi animál sira ne'ebe todan tun, abortu no infertilidade. Nu'udar moras zoonotiku (neebe signífika katak nia hadaet husi animál ba ema), ida ne'e mós bele afeta sira ne'ebé serbisu besik ho karau no bele passa liu husi korrente ai-han nian, karik konsumu produktu sira ne'ebe infetadu.

Kombate impaktu husi brucelose sei tulun hamenus rizku saúde okupasional husi servisu hamutuk ho animál sira, nune'e mós hasa'e produtividade no seguransa ai-han iha Timor-Leste.

Peskiza ida ne'e realiza liu husi apoiu finanseiru husi Australian Centre for International Agricultural Research (ACIAR) no Canada's International Development Research Centre (IDRC).

Projetu ne'e sei hala'o to'o tinan 2025 nia rohan.

Bele hetan informasaun liután kona-ba ami-nia servisu iha Timor-Leste liu husi vizita website Menzies nian:

https://www.menzies.edu.au/page/Research/Global_and_Tropical_Health/Timor-Leste/

Sitasaun atribui ba Xefe-Investigador husi projetu BRUCE-TL nian no Menzies Senior Research Fellow, Dr Shawn Ting :

"Projetu ida ne'e konvida comunidade atu halibur evidensia, ko-projeta no implementa kontrolu brucelose iha sira nian aldeia."

"Ida ne'e mos iha mós kapasidade atu informa estratéjia nasional sira ba tempu naruk nian. Enkuadramentu ba resposta One Health ba brucelose iha nivel suku nian bele eskala ba

implementasaun iha nivel munisípiu ka nasonál ka modifika ona hodi rezolve prioridade saúde sira seluk ba nasaun ne'e

Sitasaun atribui ba Diretora Nasional Veterinária – Ministeriu Agrikultura no Peska (MAP), Dra Joanita Bendita Jong:

“Iha fatin sira ne'ebé iha rekursu limitadu no prevalénsia boot husi brucelose iha karau, hanesan Timor-Leste, aprosimasaun tradisionál Governu top-down hanesan teste no oho aimal ne'ebé la pratiku no dalaruma la aseitavel iha agrikultor. Projetu ida ne'e oferese maneira diferente atu rezolve kestaun ne'e.”

Sitasaun atribui ba Presidente Institutu Nasional Saude Publika Ttimor-Leste (INSP-TL), Dra Merita A. A. Monteiro:

“Projetu BRUCE-TL ilustra interdependensia iha saude ema no animal nian no importansia husi kolaborasaun multidisiplinar iha prevensaun no kombate bruclose. Ida ne'e koloka konsietu husi One Health nian iha asaun no destaka ninia importansia ba ekonomia husi ida nia agrikultore/komunidade.”

"INSP-TL no Menzies sei kontinua servisu hamutuk hodi haforsa kapasidade peskiza saúde nian iha Timor-Leste hodi fasilita intervensaun ka desizaun bazeia ba evidénsia.”

Sitasaun atribui ba ACIAR Research Program Manager for Livestock Systems, Dr Anna Okello:

"Kontribui ba evidénsia kona-ba benefísiu sosiál no saúde publika nian husi kontrolu moras animál nian nu'udar pilár xave ida husi estratéjia ACIAR Livestock Systems. Hanesan moras ne'ebé transmite liu husi ai-han, peskiza brucelose mós tama iha ACIAR foka liu ba haforsa sistema ai-han no objetivu atu kompriende papél no suporta di'ak liu tan kazu negósiu ba abordajen One Health nian iha comunidade lokál sira nia laran.”

REMATA

Kontaktu Média:

Iha Timor-Leste: Fausta da Costa, Communications Officer,
Número kontaktu: +670 7738 1210 | Email: fausta.dacosta@menzies.edu.au

Iha Australia, kontaktu: media@menzies.edu.au

Menzies School of Health Research:

Menzies School of Health Research (Menzies) hanesan Institutu peskiza médiku ida ne'ebé lidera husi Australia ne'ebé dedika hodi hadi'a saúde no moris di'ak iha Aborigine no illa Torres Strait, no lider iha peskiza global no tropical kona-ba moras ne'ebe fo risku ba moris. Menzies kontinua tradús peskiza ba parseria no programa sira ne'ebé efetivu iha comunidade sira iha Australia no rejaun Ázia-Pasífiku tomak.